



Jostein H Hellestveit  
Mongstadvegen 667  
5955 Lindås

Saksbehandlar, innvalstelefon

Solveig Kalvø Roald, 5557 2327

## Tilsegn om tilskot til trua naturtypar 2020 - skjøtsel og vedlikehald av kystlynghei. Tyborgøy i Alver

---

**Jostein Hellestveit får tilskot til skjøtselstiltak i Alver kommune. Tilskotet på 11.500 kroner blir utbetalt når vi har mottatt rapport for gjennomførte tiltak.**

---

Vi viser til søknaden din om 56.000 kroner til skjøtsel av verdifull kystlynghei på Tyborgøy. Det er søkt om tilskot for å rydde vekk einer og annan uønskt vegetasjon, både for å opne nye område, og for å hindre at einer spreier seg. Søkjaren vil òg gjere tiltak for å fjerne lyssiv.

### Fylkesmannen si vurdering og vedtak

Dei tiltaka det blir søkt om tilskot til er i samsvar med skjøtselsplanen for området og vil ha positiv effekt på lyngheiene.

Budsjettet som Fylkesmannen i Vestland har for tilskot til truga naturtypar i 2020 er diverre ikkje tilstrekkeleg til å stette alle kvalifiserte søknader fullt ut. Vi har difor prioritert sjølve skjøtselsarbeidet, medan det berre unntaksvis vert gjeve tilskot til investeringar i maskiner og utstyr. Vi må og prioritere skjøtsel av eksisterande areal framfor meir kostnadskrevjande restaurering av nye areal, sjølv om vi gjerne så at meir areal blei restaurert. Vi har derfor ikkje høve til å gje fullt tilskot slik du har søkt om, men kan innvilge eit mindre beløp, kr 11.500, til restaureringsarbeidet på Tyborgøy. Sjå elles avsnittet nedst i brevet.

Midlane blir overførte til kontonummeret som var oppgjeve i søknaden når vi har mottatt sluttrapport for at arbeidet er gjennomført.

Vi meiner at dei planlagde tiltaka berre vil ha positive verknader for naturmangfaldet, jf. krav til vurdering i naturmangfaldlova § 7, og ser difor ikkje grunn til å kommentere dei miljørettslege prinsippa i naturmangfaldlova §§ 8 til 12 nærare.

### Krav til rapportering og rekneskapsplikt

Sluttrapport skal registrerast i elektronisk søknadssenter seinast 1. oktober 2020.



For dei som er rekneskapspliktige etter rekneskapslova, skal bilag takast vare på i minst 5 år etter avslutting av rekneskapsåret.

Riksrevisjonen og Fylkesmannen har rett til å føre tilsyn med at tilskotet vert brukt i samsvar med føresetnadene.

Tilskotet kan krevjast heilt eller delvis attende dersom det er utbetalt på feilaktige premissar.

### **Retten til å klage på vedtaket**

Vedtaket om tilskot kan klagast til Miljødirektoratet, jf. § 28 i forvaltningslova. Klagefristen er tre veker etter at dette brevet er motteke. Ein eventuell klage skal sendast via Fylkesmannen i Vestland.

### **Til slutt, til alle som har søkt tilskot til truga naturtypar: Endra føresetnader som følgje av koronasituasjonen**

For nokon av dykk kan føresetnadene for å gjennomføre tiltak ha endra seg som følgje av koronasituasjonen. Nokon kan t.d. ha planlagt med tilreisande arbeidshjelp som no har vorte usikker eller umogleg. I slike tilfelle vil vi gjerne vite om det, slik at vi kan freiste å finne alternativ, eller – om det ikkje er mogleg – at midlane kan omdisponerast til andre tiltak det er søkt om.

Like aktuelt kan det vere at ein får betre tid og kapasitet til å gjere skjøtselstiltak på eigen gard som følgje av permittering, reisehindringar etc. Vi vil gjerne også få tilbakemelding frå dykk om udekte behov, slik at vi eventuelt kan omfordele ubrukte midlar. Dette kan vere tiltak som de allereie har søkt om, men ikkje fått innvilga, eller det kan vere skjøtselstiltak eller innkjøp som de no vurderer som aktuelle.

Med helsing

Johannes Anonby  
seniorrådgjevar

Solveig Kalvø Roald  
seniorrådgjevar

*Dokumentet er elektronisk godkjent*

Kopi på e-post til:

Alver kommune Havnevegen 41 A 5918 FREKHAUG